

VENDIM
Nr.717, datë 23.6.2009

***PËR PAGAT E PUNONJËSVE MBËSHTETËS TË INSTITUCIONEVE
BUXHETORE***

(Ndryshuar me VKM nr. 621, datë 8.7.2010; nr. 551, datë 11.8.2011; nr. 690, datë 9.10.2012; nr. 610, datë 24.7.2013; nr. 859, datë 21.10.2015; nr. 202, datë 15.3.2017; nr. 264, datë 16.5.2018; nr. 107, datë 6.3.2019; nr. 73, datë 31.1.2020; nr. 1076, datë 24.12.2020; nr. 104, datë 24.2.2021; nr. 810, datë 24.12.2021)

(I përditësuar)

Në mbështetje të nenit 100 të Kushtetutës, të nenit 5/1 të ligjit nr.8487, datë 13.5.1999 “Për kompetencat për caktimin e pagave të punës”, të ndryshuar, dhe të ligjit nr.10 025, datë 27.11.2008 “Për buxhetin e vitit 2009”, me propozimin e Ministrit të Brendshëm dhe të Ministrit të Financave, Këshilli i Ministrave

VENDOSI:

1. Klasat dhe nivelet e pagave për klasë të punonjësve mbështetës të institucioneve buxhetore qendrore, të cilët nuk trajtohen në pagë me strukturën e pagave të nëpunësve të shërbimit civil, janë sipas lidhjes nr.I “Nivelet e pagës bazë për klasë në administratën e Presidentit, Kuvendit, në Kryeministri, institucione të pavarura, aparatet e ministrive të linjës, institucione qendrore, në varësi të Kryeministrit/ministrave të linjës dhe në prefektura”, me 10 klasa.

2. Klasat dhe nivelet e pagave për klasë të punonjësve mbështetës të institucioneve buxhetore, rajonale e vendore, si dhe të institucioneve qendrore, të grupit të tretë, të sistemit të Ministrisë së Mbrojtjes, caktohen sipas lidhjes nr.II “Nivelet e pagës bazë për klasë në institucionet rajonale e vendore”, me 14 klasa.

3. Renditja e pozicioneve të përgjithshme të punës për punonjësit mbështetës, në institucionet buxhetore, të përmendura në pikën 1 të këtij vendimi, të jetë sipas lidhjes I/1 “Renditja e pozicioneve të përgjithshme të punës për çdo klasë, për punonjësit mbështetës në administratën e ministrive të linjës, institucioneve të pavarura, institucioneve qendrore, në varësi të Kryeministrit/ministrave të linjës dhe në prefektura”, që i bashkëlidhet këtij vendimi dhe janë pjesë përbërëse e tij.

4. Renditja e pozicioneve të veçanta të punës për punonjësit mbështetës në institucionet buxhetore, të përmendura në pikën 1 të këtij vendimi, të jetë sipas lidhjeve përkatëse, si nënlidhje të lidhjes nr.1, që i bashkëlidhen këtij vendimi dhe janë pjesë përbërëse të tij.

5. Renditja e pozicioneve të përgjithshme të punës për punonjësit mbështetës në institucionet buxhetore, të përmendura në pikën 2 të këtij vendimi, të jetë sipas lidhjes II/1 “Renditja e pozicioneve të përgjithshme të punës për çdo klasë për punonjësit mbështetës në administratën e institucioneve rajonale dhe vendore, si dhe të institucioneve qendrore, të grupit të tretë, të sistemit të Ministrisë së Mbrojtjes”, që i bashkëlidhet këtij vendimi dhe është pjesë përbërëse e tij.

6. Renditja e pozicioneve të veçanta të punës për punonjësit mbështetës në institucionet buxhetore, të përmendura në pikën 2 të këtij vendimi, të jetë sipas lidhjeve përkatëse, si nënlidhje të lidhjes nr.II, që i bashkëlidhen këtij vendimi dhe janë pjesë

përbërëse të tij.

7. Nëpunësve/punonjësve, pagat e të cilëve caktohen sipas lidhjeve nr. I e nr.II dhe nënlidhjeve përkatëse, pas çdo viti pune, u jepet shtesë për vjetërsi pune, në masën 1 për qind mbi pagën bazë për klasë, por jo më shumë se 25 për qind. Për llogaritjen e kësaj shtese njihet vjetërsia e përgjithshme në punë.

8. Për punonjësit në funksione drejtuese jepet shtesë mbi pagën bazë për klasë, në përqindje, sipas shkallëzimit, në 5 grupe, si më poshtë vijon:

Grupi i parë	deri në 5%;
Grupi i dytë	5 deri në 10%;
Grupi i tretë	10 deri në 15%;
Grupi i katërt	15 deri në 20%;
Grupi i pestë	20 deri në 30%.

Përcaktimi i masës së shtesës, sipas grupit përkatës, të bëhet në lidhjen përkatëse të pagave, që i bashkëlidhet këtij vendimi, ndërsa përcaktimi i masës në përqindje të bëhet në urdhrin përkatës të Kryeministrit/ministrit të linjës, për miratimin e strukturës së institucionit.

9. Për punë të vështira e të dëmshme për shëndetin, punonjësve, pagat e të cilëve caktohen, sipas lidhjeve nr. I e nr.II dhe nënlidhjeve përkatëse, u jepen shtesa mbi pagë, sipas shkallëve të vështirësisë e të dëmshmërisë, si më poshtë vijon:

- i) Në shkallën e parë, në masën 1335 (një mijë e treqind e tridhjetë e pesë) lekë në muaj;
- ii) Në shkallën e dytë, në masën 4005 (katër mijë e pesë) lekë në muaj;
- iii) Në shkallën e tretë, në masën 5340 (pesë mijë e treqind e dyzet) lekë në muaj;
- iv) Në shkallën e katërt, në masën 6675 (gjashtë mijë e gjashtëqind e shtatëdhjetë e pesë) lekë në muaj.

Zbatimi i kësaj shtese bëhet si më poshtë vijon:

a) Drejtoritë/njësitet e menaxhimit të burimeve njerëzore, të institucioneve buxhetore, në zbatim të kësaj pike, i paraqesin kërkesën e tyre drejtorive të shëndetit publik, të cilat përcaktojnë vendet e punës, të vështira e të dëmshme për shëndetin e punëmarrësve, si dhe shkallën e vështirësisë e të dëmshmërisë, për çdo vend pune.

b) Pas përcaktimit të shkallës së vështirësisë e dëmshmërisë, titullarët e institucioneve buxhetore paraqesin kërkesën për miratim në ministrinë përgjegjëse për çështjet e shëndetësisë dhe në ministrinë përgjegjëse për çështjet e punësimit.

c) Pas marrjes së miratimit nga dy ministrinë e përmendura në shkronjën “b” të kësaj pike, titullarët e institucioneve miratojnë dhënien e këtyre shtesave për punonjësit e institucioneve të sistemit të tyre. Për institucionet qendrore, në varësi të ministrave të linjës, si dhe ato, rajonale e vendore, ky miratim bëhet nga ministri përkatës, në varësi të të cilit janë këto institucione.

ç) Kur punonjësit i takon të marrë dy a më shumë shtesa për vështirësi e dëmshmëri, ai do të marrë nga një vështirësi, për çdo shkallë, por jo më shumë se 15 000 (pesëmbëdhjetë mijë) lekë në muaj.

d) Këto shtesa u rekomandohen edhe punëdhënësve të tjerë të ndërmarrjeve e institucioneve shtetërore jobuxhetore apo subjekteve private.

10. Shfuqizuar.

11.a Shoferët e titullarëve të klasifikuar në grupin “A”, për efekt të ligjit nr.9584, datë 17.7.2006 “Për pagat, shpërblimet dhe strukturat e institucioneve të pavarura kushtetuese dhe të institucioneve të tjera të pavarura, të krijuara me ligj”, të cilët, në bazë të lidhjes nr.1 të ligjit nr.10160, datë 15.10.2009 “Për rregullimin e shërbimit të transportit për funksionarët politikë dhe nëpunësit civilë”, kanë

në dispozicion shoferë që nuk janë punonjës të Gardës së Republikës, përfitojnë pagën sipas klasës VII të lidhjes nr.I, që i bashkëlidhet këtij vendimi, dhe një shtesë mbi pagën mujore të klasës përkatëse në masën 13 500 (trembëdhjetë mijë e pesëqind) lekë në muaj.

b) Shoferët e titullarëve të klasifikuar në grupin “B” dhe në grupin “C”, për efekt të ligjit nr.9584, datë 17.7.2006, të cilët në bazë të lidhjes nr.1 të ligjit nr.10160, datë 15.10.2009 “Për rregullimin e shërbimit të transportit për funksionarët politikë dhe nëpunësit civilë”, kanë në dispozicion shofer, përfitojnë pagën sipas klasës VI të lidhjes nr.I, që i bashkëlidhet këtij vendimi, dhe një shtesë mbi pagën mujore të klasës përkatëse në masën 9500 (nëntë mijë e pesëqind) lekë në muaj.

c) Shoferët e titullarëve të tjerë, të cilët në bazë të lidhjes nr.1 të ligjit nr.10160, datë 15.10.2009 “Për rregullimin e shërbimit të transportit për funksionarët politikë dhe nëpunësit civilë”, kanë në dispozicion shoferë, përfitojnë pagën sipas klasës V të lidhjes nr.I, që i bashkëlidhet këtij vendimi, dhe një shtesë mbi pagën mujore të klasës përkatëse në masën 6500 (gjashtë mijë e pesëqind) lekë në muaj.

12. Shfuqizuar.

13. Punonjësve të sektorit të teknikës e shtypshkrimit, në administratën e Qendrës së Publikimeve Zyrtare, pagat e të cilëve rregullohen sipas lidhjes përkatëse të këtij vendimi, përfitojnë shtesë mbi pagë për natyrë të veçantë pune, në masën 10 000 (dhjetë mijë) lekë.

14. Punonjësit shpëtues të sektorit të emergjencave dhe të shpëtimit, të repartit të inspektim-shpëtimit të minierave, të cilët punojnë në kushte të vështira për jetën, përfitojnë një shtesë mbi pagë, në masën 5 000 (pesë mijë) lekë në muaj.

15. Punonjësit mbështetës, që punojnë në Agjencinë e Inteligjencës dhe të Sigurisë së Mbrojtjes, të cilët trajtohen në pagë sipas lidhjeve përkatëse të këtij vendimi, përfitojnë një shtesë për kushte pune dhe shërbimi, në masën 5 000 (pesë mijë) lekë në muaj.

16. Punonjësit në pozicionin “Shofer - mekanik” në Qendrën e Shërbimeve dhe Administrimit të Mjeteve të Transportit, në Ministrinë e Brendshme, përfitojnë një shtesë mbi pagë, në masën 5000 (pesë mijë) lekë në muaj.

17. Punonjësit mbështetës, të cilët punojnë në shërbimet e shëndetit mendor, e që janë në kontakt të drejtpërdrejtë me këta të sëmurë, përfitojnë shtesë, për natyrë të veçantë pune, në masën 5 000 (pesë mijë) lekë në muaj. Ministri i Shëndetësisë përcakton vendet e punës, që e përfitojnë këtë shtesë, me miratimin e strukturave të institucioneve shëndetësore përkatëse.

18. Punonjësit mbështetës, të cilët punojnë në institucionet e ekzekutimit të vendimeve penale dhe që janë në kontakt të drejtpërdrejtë me të dënuarit, përfitojnë shtesë, për kushte të veçanta pune, në masën 5 000 (pesë mijë) lekë në muaj. Kjo shtesë zbatohet pas miratimit të strukturave të institucioneve të ekzekutimit të veprave penale përkatëse, sipas propozimit të Ministrit të Drejtësisë.

18/1. Shoferët e urgjencës së spitalëve, për natyrë të veçantë pune, përfitojnë një shtesë, në masën 10 000 (dhjetë mijë) lekë në muaj.

18/2. Rojet mjedisore të administratave të zonave të mbrojtura, për natyrë të veçantë pune, përfitojnë një shtesë mbi pagë, në masën 4 000 (katër mijë) lekë në muaj.

18/3. Paga mujore për punonjësit, që punojnë në pozicionin “prozektor” në Institutin e Mjekësisë Ligjore, të jetë e njëjtë me pagën mujore për të njëjtin pozicion pune në Qendrën Spitalore Universitare “Nënë Tereza”, e përcaktuar në vendimin përkatës të Këshillit të Ministrave për pagat e personelit mjekësor dhe punonjësve të personelit teknik të shkencave mjekësore në sistemin e ministrisë përgjegjëse për shëndetësinë.

19. Për një periudhë kalimtare, punonjësve të cilët deri në datën 1 korrik 2007, përfitonin një pagë më të lartë, se sa parashikohet në lidhjet përkatëse të pagave, që i bashkëlidhen këtij vendimi dhe janë pjesë përbërëse të tij, u jepet pagë në ruajtje, por jo më shumë se dy vjet nga data e hyrjes në fuqi të këtij vendimi. Me pagë në ruajtje trajtohen dhe

punonjësit civilë të Policisë së Shtetit, të cilët nuk trajtohen më me sistemin pagë-gradë.

Kjo pagë llogaritet si diferencë ndërmjet pagës bruto, të llogaritur sipas këtij vendimi, dhe pagës bruto, që këta punonjës përfitonin para miratimit të vendimit nr.1231, datë 2.7.2008 të Këshillit të Ministrave.

Punonjësit, të cilët fillojnë punë për herë të parë, trajtohen në pagë, sipas parashikimeve dhe lidhjeve përkatëse të këtij vendimi dhe nuk përfitojnë pagë në ruajtje.

19/1. Shfuqizuar.

20. Efektet financiare, që rrjedhin nga zbatimi i këtij vendimi, për punonjësit e Policisë së Shtetit fillojnë nga data 1 janar 2009. Efektet financiare për punonjësit e tjerë fillojnë nga data 1 maj 2009.

21. Efektet financiare, që rrjedhin nga zbatimi i këtij vendimi, për vitin 2009, të përballohen nga fondet e miratuara në Buxhetin e Shtetit, për rritjen e pagave të punonjësve buxhetorë, për këtë vit.

22. Vendimi nr.1231, datë 2.7.2008, i Këshillit të Ministrave “Për pagat e punonjësve mbështetës në institucionet buxhetore dhe të nëpunësve, në disa institucione buxhetore”, shfuqizohet.

Ky vendim hyn në fuqi pas botimit në Fletoren Zyrtare.

KRYEMINISTRI

Sali Berisha

LIDHJA NR. I

NIVELET E PAGËS BAZË PËR KLASË NË ADMINISTRATËN E PRESIDENTIT, KUVENDIT, NË KRYEMINISTRI, INSTITUCIONE TË PAVARURA, APARATET E MINISTRIVE TË LINJËS, INSTITUCIONE QENDRORE NË VARËSI TË KRYEMINISTRIT/MINISTRAVE TË LINJËS DHE NË PREFEKTURA.

(Zëvendësuar me vkm nr. 621, datë 8.7.2010; nr.551, datë 11.8.2011; nr.690, datë 9.10.2012; nr.610, datë 24.7.2013; nr.202, datë 15.3.2017)

<i>Nr. rendor</i>	<i>Klasa</i>	<i>Paga bazë mujore në lekë</i>
<i>1</i>	<i>I</i>	<i>30000</i>
<i>2</i>	<i>II</i>	<i>31600</i>
<i>3</i>	<i>III</i>	<i>32500</i>
<i>4</i>	<i>IV</i>	<i>33400</i>
<i>5</i>	<i>V</i>	<i>34100</i>
<i>6</i>	<i>VI</i>	<i>35250</i>
<i>7</i>	<i>VII</i>	<i>36300</i>
<i>8</i>	<i>VIII</i>	<i>38300</i>
<i>9</i>	<i>IX</i>	<i>39800</i>
<i>10</i>	<i>X</i>	<i>41000</i>

LIDHJA NR. II
NIVELET E PAGËS BAZË PËR KLASË NË INSTITUCIONET RAJONALE DHE
VENDORE
(Zëvendësuar me vkm nr. 621, datë 8.7.2010; 551, datë 11.8.2011; nr.690, datë 9.10.2012; nr.610,
datë 24.7.2013; nr.202, datë 15.3.2017)

Nr rendor	Klasa	Paga bazë Mujore në lekë
1	I	30000
2	II	31600
3	III	32500
4	IV	33400
5	V	34100
6	VI	34500
7	VII	35000
8	VIII	35400
9	IX	36000
10	X	36500
11	XI	37000
12	XII	37500
13	XIII	38200
14	XIV	39800

Lidhja nr.III

KRITERE PËR DHËNIEN E SHITESËS MBI PAGË PËR PUNË TË VËSHTIRA E TË
DËMSHME PËR SHËNDETIN
(shfuqizuar shkronja “gj” e pikës 1 me vkm nr.690, datë 9.10.2012)

Në zbatim të pikës nr.8 të këtij vendimi, punë që kryhen në kushte të vështira e të dëmshme për shëndetin, konsiderohen ato punë që kryhen në ambiente që kapërcejnë kufijtë e lejueshëm të faktorëve të dëmshëm për shëndetin, të cilët përcaktohen në dispozita të veçanta ose në norma të detyrueshme higjieno-sanitare.

Ndarja e punëve sipas shkallës së vështirësisë dhe dëmshmërisë për shëndetin është si vijon:

1.Në shkallën e parë përfshihen punët që kryhen:

a) në kushtet e ekspozimit ndaj veprimit të pluhurave, që nuk shkaktojnë dëmtime të mushkërisë;

b) në kushtet e ekspozimit ndaj veprimit të substancave toksike, që nuk depozitohen në organizëm;

c) në ambientet e mbyllura, në të cilat për arsye teknologjike mbahet konstante temperatura mbi 25 gradë ose nën 10 gradë;

d) në një ambient të lagët me lagështi relative të ajrit mbi 80 për qind, në baltë ose në kontakt direkt me ujin;

e) në kushtet e ekspozimit ndaj rrezatimit ultraviolett ose infra të kuqe, për shembull saldimi, farkëtimi etj;

f) në kushtet e vibrimit të përgjithshëm;

g) në ambientet në të cilat është i domosdoshëm përdorimi i ndriçimit artificial;

gj) *shfuqizuar*.

2. Në shkallën e dytë përfshihen punët që kryhen:

a) në kushtet e ekspozimit ndaj veprimit të pluhurave që shkaktojnë dëmtim të mushkërisë;

b) në kushtet e ekspozimit ndaj veprimit të substancave toksike që depërtohen në organizëm;

c) në kushtet e ekspozimit ndaj zhurmave;

d) në kushtet e presionit të ulur ose të ngritur për arsye të procesit teknologjik;

e) në kushtet e ekspozimit ndaj veprimit të vibrimit lokal, p.sh. përdorimi i pajisjeve pneumatike me dorë;

f) në kushtet e një mbingarkese fizike të llogaritur të paktën 1100 kilokalori për burrat dhe 600 kilokalori për gratë ose që kërkojnë një pozicion të detyruar për trupin;

g) në praninë efiçente potencialisht me burime infeksioni të rrezikshme, në kushtet e ekspozimit ndaj veprimit të hormoneve dhe antibiotikëve që shkaktojnë çrregullime të veprimtarisë fiziologjike të organizmit, si dhe faktorëve të tjerë me veprim të njëjtë si hormonet dhe antibiotikët, në qoftë se kjo do të njihet nga Instituti i Higjienës dhe Epidemiologjisë.

3. Në shkallën e tretë përfshihen punët që kryhen:

a) në kushtet e ekspozimit ndaj veprimit të fushave elektromagnetike me frekuencë të lartë në intervalin nga 0,1 deri 300 000 MhZ në zonën e rrezikut;

b) në kushte veçanërisht të rrezikshme;

- në lartësinë mbi 2 m ose në thellësinë nën 2 m kur punohet në prani të rrezikut;

- që lidhen me prodhimin, përdorimin, magazinimin dhe transportimin e gazeve dhe materialeve shpërthyes;

- brenda rezervuarëve, aparateve, kanaleve, puseve etj., kryerja e të cilave kërkon leje speciale nga drejtuesi i ndërmarrjes ose institucioni;

- në pajisjet elektroenergjetike që ndodhen nën tension mbi 220 V, që kryhen në përputhje me udhëzimet për mbrojtjen në punë;

- që lidhen me ngarkimin dhe shkarkimin e lëndëve djegëse të lëngëta, si dhe transportimin e tyre;

- nën tokë ose nën ujë;

- në punët me të sëmurët psikikë e me të meta mendore, në shërbimin e anatomisë patologjike e mjekësisë ligjore, në repartet me rrezikshmëri të lartë infektive, në repartet e sëmundjeve onkologjike;

4. Në shkallën e katërt përfshihen punët që kryhen:

- me benzidinë, alfa dhe beta naftiloamine, klorvinil,

- në kushtet e ekspozimit ndaj rrezatimit jonizues, si dhe faktorë, të tjerë me veprime analogjike në qoftë se kjo do të njihet nga Instituti i Shëndetit Publik.

LIDHJA I/1

RENDITJA E POZICIONEVE TË PËRGJITHSHME TË PUNËS PËR ÇDO KLASË
PËR PUNONJËSIT MBËSHTETËS NË ADMINISTRATËN E MINISTRIVE TË
LINJËS, INSTITUCIONEVE TË PAVARURA E KUSHTETUESE,
INSTITUCIONEVE QENDRORE NË VARËSI TË KRYEMINISTRIT/MINISTRAVE
TË LINJËS DHE NË PREFEKTURA

(Shtuar emërtesa me vkm nr. 621, datë 8.7.2010; shtuar emërtime në pikën 6 dhe 8, shfuqizuar emërtim në pikën 9 me vkm nr.551, datë 11.8.2011; shtuar emërtime me vkm nr.690, datë 9.10.2012; shtuar emërtesa në klasën IV, shfuqizuar në klasën III dhe VIII me vkm nr.610, datë 24.7.2013; zëvendësuar me vkm nr.202, datë 15.3.2017)

Nr.	EMËRTIMI I PUNONJËSIT	Niveli i pagës klase	Shtesë për funksion (grupi)
1	<i>Përgjegjës i sektorit të teknikës në Qendrën e Botimeve Zyrtare</i>	X	5
2	<i>Offsetist në Qendrën e Botimeve Zyrtare</i>	X	
3	<i>Përgjegjës Zyre</i>	IX	5
4	<i>SekretarRektori Teknik shtypshkronje, faqesë në Qendrën e Botimeve Zyrtare</i>	IX	
5	<i>Përgjegjës ofiçine e transporti</i>	VIII	1
6	<i>Sekretar i titullarëve të tjerë Bibliotekar në bibliotekën shkencore të universitetit dhe të Akademisë së Shkencave Drejtues Skafi në Qendrën Ndërinstitucionale Operacionale Detare Fotoreporter në ATSH Fotograf në ATSH Vëzhgues terreni në Shërbimin e Kontrollit të Brendshëm të Burgjeve</i>	VIII	
7	<i>Bibliotekar në bibliotekat e fakultetit dhe Akademisë së Mbrojtjes Restaurator Arkivist. Protokollist Laborant Llogaritar Kontrollor anketimi në INSTAT Topograf</i>	VII	
8	<i>Teknik i mesëm i specialiteteve të ndryshme Operator në INSTAT Administrator dokumentesh në Drejtorinë e Përgjithshme të Arkivave dhe në drejtoritë e arkivave në qarqe Magazininier</i>	VI	
9	<i>Operator Preparator Kolektor Punonjës blegtorie Drejtues mjetesh motorike/ motobarke Punëtor i rasateve të peshkut Anketues</i>	V	

	<i>Shofer për automjete mbi 2.5 tonë dhe automjete speciale</i>		
10	<i>Shofer Shaptilografistë Fotokopjuese Kaldaist Punëtor mirëmbajtës Punëtor porti Punonjës shërbimi</i>	<i>IV</i>	
11	<i>Nëpunës informacioni. Centralist</i>	<i>III</i>	
12	<i>Roje. Korrier. Postier. Lulishtar</i>	<i>II</i>	
13	<i>Punonjës pastrimi/sanitar</i>	<i>I</i>	

Lidhja I/2

RENDITJA E POZICIONEVE TË PUNËS PËR PUNONJËSIT MBËSHTETËS NË
PRESIDENCË, KUVEND, KRYEMINISTRI

Nr.	Emërtimi/pozicioni	Klasa e pagës	Shtesa për funksion drejtues
1	Përgjegjës arkivi.Përgjegjës administrate	IX	4
2	Përgjegjës i teknikës së shumëfishimit	VIII	3
3	Arkivist Llogaritar Operator Kameraman.Fotograf Punonjës shtypshkronje, shumëfishimi Teknikë të ndryshëm Magaznier Receptionist Shofer-korrier	VIII VII	 0
4	Punëtorë të tjerë. Shofer	VI	0
5	Punonjës pastrimi	III	0

Shënim. Për emërtesa të tjera, kur janë të njëjta me institucionet e tjera qendrore, përdoret lidhja I/1 e vendimit.

Lidhja I/3

**RENDITJA E POZICIONEVE TË VEÇANTA TË PUNËS PËR ÇDO KLASË PËR
PUNONJËSIT MBËSHETËTËS NË GJYKATËN KUSHTETUESE, NË GJYKATËN E
LARTË DHE NË SHKOLLËN E MAGJISTRATURËS**
(ndryshuar titulli me vkm nr.859, datë 21.10.2015)

Nr.	Pozicioni	Klasa	Shtesa për funksion drejtues sipas grupit përkatës
1	Punonjës i ruajtjes së rendit Sekretare gjyqësore	VIII	
2	Teknik mirëmbajtjeje Operatorë Sekretarë gjyqësor në Gjykatën e Lartë Magaznier	VII	
3	Shofer i kryetarit Shofer i gjyqtarit të Gjykatës Kushtetuese dhe i gjyqtarit të Gjykatës së Lartë Shofer-korrier	VII VI	
4	Shoferë të tjerë	V	
5	Punonjës pastrimi	III	

Shënim. Për emërtesa të tjera, kur janë të njëjta me institucionet e tjera qendrore, përdoret lidhja I/1 e vendimit.

Lidhja nr.I/4

**RENDITJA E POZICIONEVE TË PUNËS PËR ÇDO KLASË PËR NËPUNËSIT
DHE PUNONJËSIT MBËSHETËTËS NË ADMINISTRATËN E PROKURORISË SË
PËRGJITHSHME**

Nr.	Emërtimi/pozicioni	Klasa e pagës	Shtesa për funksion drejtues
1	Oficer informacioni dhe i ruajtjes së rendit Sekretare Punonjës i postës sekrete	VIII	
2	Teknik mirëmbajtjeje Operator Magaznier Shofer i postës sekrete	VII VI	
3	Shoferë të tjerë të institucionit	V	
4	Punonjës pastrimi	III	

Shënim. Për emërtesa të tjera, kur janë të njëjta me institucionet e tjera qendrore, përdoret lidhja I/1 e vendimit.

Lidhja nr.I/5

RENDITJA E POZICIONEVE TË VEÇANTA TË PUNËS PËR ÇDO KLASË PËR
PUNONJËSIT MBËSHTETËS NË SISTEMIN E MINISTRISË SË EKONOMISË,
TREGTISË DHE ENERGJETIKËS

1	Për punonjësit në Shërbimin Gjeologjik	
Nr.	Shqiptar	
	Emërtimi/pozicioni	Klasa e pagës
	Teknik gjeolog dhe të specialiteteve të ndryshme	VII
	Punëtor (mjeshtër shpimi, sondist, minator, armator, mekanik, motorist, elektrikist, tornitor, saldator, axhustator, llamarinist)	
	Operator, kompjuterist, heliografist, disenjator, kopist	VI
	Shofer të ekspeditave	
	Ndihmëssondist	IV
	Ndihmësminator	
	Ndihmësarmator	
	Ndihmësteknik	
2	Në repartin e inspektim-shpëtimit në miniera	
	Teknikë të mesëm në:	IX
	-Laboratorin e provave të litarëve të çelikut;	
	-Emergjencën dhe shpëtimin;	
	-Mirëmbajtjen (kolaudimin) e pajisjeve shpëtuese;	
	-Mirëmbajtjen dhe kolaudimin e automjeteve.	
	Teknik të mesëm për komunikimin, informacionin dhe ruajtjen e institucionit	VII
	Shofer i automjeteve të gatishmërisë	

Lidhja nr.I/6

RENDITJA E POZICIONEVE TË VEÇANTA TË PUNËS PËR ÇDO KLASË PËR
PUNONJËSIT MBËSHTETËS NË DREJTORINË E PËRGJITHSHME TË POLICISË
SË SHTETIT, NË INSTITUTIN E POLICISË SHKENCORE DHE QENDRËN E
SHËRBIMEVE TË TEKNOLOGJISË SË INFORMACIONIT

Nr.	Pozicioni	Klasa	Shtesa për funksion drejtues sipas grupit përkatës
2	Ndihmësmjek Bibliotekar Sekretar Kryekuzhinier Ndhmësfarmacist	VII	
3	Teknik armatimi Teknik ndërtimi Kujdestar – magazinier (për armatime dhe të tjera) Infermier Kuzhinier	VI	
4	Shofer autoambulance	V	
5	Kartelist. Evidencier Inventarizues Rrobaqepës Kamerier Kolaudator.Furnitor	IV	
6	Mirëmbajtës ushqimi Ndhmëskuzhinier Punonjës ngarkim-shkarkimi Zhbllokues	III	
7	Lulishtar Mirëmbajtës	II	

Shënim. Për emërtesa të tjera, kur janë të njëjta me institucionet e tjera qendrore, përdoret lidhja I/1 e vendimit.

Lidhja nr.I/7

RENDITJA E POZICIONEVE TË VEÇANTA TË PUNËS PËR ÇDO KLASË PËR
PUNONJËSIT MBËSHTETËS NË SISTEMIN E MINISTRISË SË TURIZMIT,
KULTURËS, RINISË DHE SPORTEVE
(Shtuar emërtime me vkm nr.690, datë 9.10.2012)

Në administratën e Teatrit të Operës dhe Baletit dhe Teatrit Kombëtar

Nr.	Emërtimi/pozicioni	Klasa e pagës	Shtesa për funksion drejtues
1.	Përgjegjës për bibliotekën muzikore në TOB Mjeshtër skene Mjeshtër ndriçim fonie Mjeshtër parukier-grimier Mjeshtër rrobaqepës	IX	

	Mjeshtër garderobier	
	Mjeshtër i dekorit	
	Mjeshtër marangozerie	
	Mjeshtër këpucar	
3.	Ndihmësmjeshtër:	VIII
	Grimier/rrobaqepës/rekuizitier/ këpucar/marangozerie/ i mekanikës skenike.	
	Punonjës marketingu	
4.	Ndimësmjeshtër ndriçim	VII
	foni/rekuizitier/dekorator	
5.	Punëtor skene	IV
6.	Punëtor shërbimi	III
7.	Biletashitës	II

Shënim. Për emërtesat të tjera, kur janë të njëjta me institucionet e tjera qendrore, përdoret lidhja I/1 e vendimit.

Në administratën e Galerisë Kombëtare të Arteve, Muzeut Historik Kombëtar, Bibliotekës Kombëtare, Qendrës Kombëtare të Kulturës për Fëmijë, Muzeut të Artit Mesjetar, Korçë, Muzeut “Onufri” Berat, Muzeut “Gjergj Kastrioti Skënderbeu” Krujë, Fototekës “Marubi” Shkodër dhe Institutit të Monumenteve të Kulturës Tiranë dhe *Cirkut Kombëtar*

Restaurator për Institutin e Monumenteve të Kulturës Tiranë	VIII
Ndihmësbibliotekar.	VII
Piktor/skulptor/piktor ekzekutues në QKK	
Elektracist. Fonist. Butaforist	VI
Vëzhgues salle. Ruajtës fondesh	IV
Fototekist. Katalogues	
Punëtor restaurimesh	
Punëtor skene. Garderobier	III
Biletashitës	II

Shënim. Për emërtesat të tjera, kur janë të njëjta me institucionet e tjera qendrore, përdoret lidhja I/1 e vendimit.

Lidhja nr.1/8

RENDITJA E POZICIONEVE TË VEÇANTA TË PUNËS PËR ÇDO KLASË PËR PUNONJËSIT MBËSHTETËS NË INSTITUCIONET QENDRORE NË VARËSI TË MINISTRI TË MBROJTJES, TË GRUPIT TË PARË E TË DYTË
(Shtuar emërtime me VKM nr. 621, datë 8.7.2010; shtuar emërtesë me VKM nr. 73, datë 31.1.2020)

Nr.	Pozicioni	Klasa	Shtesa për funksion drejtues sipas grupit përkatës
	Kontrollor cilësie, mbikëqyrës riparimi në qendrën e riparimit të nivelit të katërt të pajisjeve tokësore e në bazën e riparimit të aviacionit <i>Manovrator në Agjencinë Kombëtare të Mbrojtjes Civile</i>	IX	
	Montazhier grafist	VIII	
	Ndihmësspecialist në prodhim e riparim të nivelit të IV-ët, në pajisjet tokësore dhe të nivelit të III-të në pajisjet ajrore		
2.	Bibliotekar	VII	
	Sekretar		
	Kryekuzhinier		
	Farmacist		
	Topograf		
	Kryeinfermier		
	Operator audioviziv		
	Ndihmësspecialist në prodhim e riparim të nivelit të III-të në pajisjet tokësore dhe të nivelit të II-të në pajisjet ajrore		
3.	Teknik armatimi	VI	
	Teknik ndërtimi		
	Kujdestar-magazinier (për armatime dhe të tjera)		
	Infermier		
	Kuzhinier		
	Faqosës		
	Provokopist		
	Fotograf e kopist		
	Arkivist i fondeve filmike e fotografike		
	Fotoreporter		
	Furnitor/kolaudator në qendrën e riparimit të nivelit të katërt të pajisjeve tokësore e në bazën e riparimit të aviacionit		
4.	Shofer autoambulance	V	
5.	Kartelist. Evidencier	IV	
	Inventarizues		
	Rrobaqepës		
	Ndihmësinstruktur		
	Libralidhës. Furnitor		
6.	Mirëmbajtës ushqimi	III	
	Ndihmëskuzhinier		
	Punonjës ngarkim-shkarkimi		
	zhbllokues. Rrobalarës		
7.	Lulishtar	II	
	Mirëmbajtës		
8.	<i>Ofsetist në Institutin Gjeografik të Ushtrisë</i>	<i>VIII</i>	

9. *Shofer automjeti transporti mbi 2.5 ton*

✓

Lidhja I/9

**RENDITJA E POZICIONEVE TË VEÇANTA TË PUNËS PËR ÇDO KLASË PËR
PUNONJËSIT CIVILË NË QENDRËN E NDËRTIMIT DHE RIPARIMIT TË
ANIJEVE PATRULLUESE PËR ROJËN BREGDETARE TË SHQIPËRISË, TË
SISTEMIT TË MINISTRISË SË MBROJTJES**

Nr.	Pozicioni	Klasa
1.	Teknikë të kualifikuar në repartet e prodhimit të anijeve	IX
2.	Teknikë të kualifikuar në repartet e riparimit të anijeve	IX
3.	Përpunues të projekteve e skicave	VIII
	Sekretar	
	Përkthyes	
	Kostoist normist	
4.	Protokoll-arkiv/sekretar/operator	VII
	Magaznier për karburantet	

Shënim. Për emërtesa të tjera, kur janë të njëjta me institucionet e tjera qendrore, përdoret lidhja I/1 e vendimit.

Lidhja I/10

**RENDITJA E POZICIONEVE TË VEÇANTA TË PUNËS PËR ÇDO KLASË PËR
PUNONJËSIT MBËSHTETËS NË ADMINISTRATËN E SHTËPISË SË PUSHIMIT
TË MINISTRISË SË BRENDSSHME, DURRËS**
(Shtuar me vkm nr.551, datë 11.8.2011)

Nr.	POZICIONI	KLASA	Shtesa për funksion drejtues	Shtesa për kushte pune
1	Përgjegjës (shtërbimi i ushqimit dhe restorantit)	X	3	5000
2	Përgjegjës (gjelbërimi, aktivitete të tjera ndihmëse)	IX		
3	Kuzhinier, administrues hoteli	VIII		5000
4	Banakier	VIII		
5	Ndihmëskuzhinier	VII		3000
6	Kamerier; Receptionist	VI		
7	Punonjës hotelerie; Punonjës gjelbërimi	III		
8	Punëtorë kuzhine;	II		

	<i>Punëtorë restoranti</i>			
9	<i>Punëtorë lavanterie</i>	I		

Shënim. Për emërtesa të tjera, kur janë të njëjta me institucionet e tjera qendrore, përdoret lidhja I/1 e vendimit.

Lidhja II/1

RENDITJA E POZICIONEVE TË PËRGJITHSHME TË PUNËS PËR ÇDO KLASË
PËR PUNONJËSIT MBËSHTETËS NË ADMINISTRATËN E INSTITUCIONEVE
RAJONALE DHE VENDORE, SI DHE TË INSTITUCIONEVE QENDRORE TË
GRUPIT TË TRETË TË SISTEMIT TË MINISTRISË SË MBROJTJES
(Shtuar emërtim me vkm nr.551, datë 11.8.2011; shtuar emërtesa me vkm nr.202, datë
15.3.2017)

Nr.	POZICIONI	KLASA	Shtesa për funksion drejtues, sipas grupit përkatës
	<i>Manovrator i makinerive të rënda</i> <i>Manovrator në Inspektoratin Kombëtar të Mbrojtjes së Territorit</i>	XIV	
	<i>Ndihmësmannovrator i makinerive të rënda</i>	XIII	
	<i>Sekretare në prokuroritë pranë gjykatave të shkallës së parë dhe pranë gjykatave të apelit;</i> <i>Punonjës i gjendjes civile në bashki</i>	XII	
	<i>Kryetar dege në arsimin parauniversitar;</i> <i>Kryekujdestar në qendrat e përkujdesit social;</i> <i>Përgjegjës ofiçine e transporti;</i> <i>Përgjegjës grupi në Drejtoritë Rajonale të Mirëmbajtjes së Rrugëve dhe Drejtorinë e Riparimit të Makinerive të Furnizimit në Tiranë</i>	XI	3
	<i>Punonjës i gjendjes civile në komuna</i>	XI	
	<i>Shofer me automjete speciale;</i> <i>Kryesondist</i> <i>“Shofer në sektorin e helikopterëve të repartit special “Renea” në sistemin e Ministrisë së Mbrojtjes</i>	X	
	<i>Ndihmësspecialist;</i> <i>Meteorolog;</i> <i>Ndihmësmjek;</i> <i>Laborant;</i> <i>Sekretar;</i> <i>Sekretar shkolle në arsimin parauniversitar, në shkollat e mesme;</i> <i>Kryekuzhinier;</i> <i>Kryeinfiermier;</i> <i>Farmacist;</i> <i>Arkivist;</i> <i>Llogaritar, ekonomist i mesëm;</i> <i>Shofer automjeti transporti mbi 2.5 tonë dhe mjeteve speciale;</i>	IX	

	Anketues; Motopompist Topograf Teknik i mesëm në strukturat e teknologjisë së informacionit në sistemin e Policisë së Shtetit Roje mjedisore me arsim të lartë		
	Sekretar shkollë në arsimin parauniversitar në shkollat 9-vjeçare; Arkiviste gjyqësore në gjykatat e shkallës së parë dhe në gjykatat e apelit; Bibliotekar; Programist; Instruktor; Metodist; Kujdestar në qendrat e përkujdesit social; Roje mjedisore me arsim të mesëm; Shofer transporti me automjet mbi 2.5 tonë; Administrator i sistemeve të ndërlidhjes; Palombar	VIII	
4.	Teknik i mirëmbajtjes së pajisjeve tokësore, ajrore, detare, në sistemin e Ministrisë së Mbrojtjes; Minator; Ndërlidhës; Piktor; Dizenjator; Punonjës sekretarie	VII	
5.	Teknik të mesëm të specialiteteve të ndryshme; Teknik armatimi; Kujdestar – magazinier (për armatime dhe të tjera); Përvjegjës i godinave të shtëpive të pushimit; Teknik ndërtimi; Fenerist detar; Ekspeditor; Dispeçer; Infermier; Kuzhinier; Fotograf; Fotoreporter; Telekronist; Zetorist; Operator audioviziv; Montazhier grafist	VI	
4.	Operator; Magazinier; Shofer autoambulance;	V	
5.	Kartelist; Evidencier; Inventarizues;	IV	

	<i>Rrobaqepës; Kamerier; Kolaudator; Kopjues notash; Daktilografist; Fotokopjues; Punonjës mirëmbajtës të profesioneve të ndryshme; Punëtorë të bazave prodhuese; Shofer autoveture; Shofer automjeti transporti deri 2.5 tonë; Rojë me armë; Ftues; Furnitor; Fillrojtës</i>		
6.	<i>Ndihmëskuzhinier; Kaldajist; Drejtues të motoçikletave dhe motokarrove; Punonjës ngarkim-shkarkimi; Zhbllokues; Garderobier; Këpucar; Berber</i>	III	
7.	<i>Lulishtar; Pjaltalarës; Rrobalarës; Biletashtës; Rojë pa armë; Punonjës shërbimi</i>	II	
8.	<i>Sanitar/pastrues; Korrier; Centralist</i>	I	

Lidhja II/2

PËR PUNONJËSIT E KLUBIT SPORTIV “STUDENTI”

Nr.	Emërtimi/pozicioni	Klasa e pagës	Shtesa për funksion drejtues
1	Përgjegjës klubi	XIV	4
2	Trajner	XIV	
3	Inspektor sportiv	XI	
4.	Kryetar i degës së financës	IX	1
5.	Përgjegjës i objekteve sportive	V	

Shënim. Për emërtesat të tjera, kur janë të njëjta me institucionet e tjera qendrore, përdoret lidhja II/1 e vendimit.

Lidhja nr.II/3

NË DREJTORITË RAJONALE TË REZERVAVE MATERIALE TË SHTETIT

Nr.rendor	Emërtimi/pozicioni	Klasa e pagës
	Magaznier	VIII
	Punëtor ngarkim-shkarkimi	V
	Inventarizues. Punëtor	III

Shënim. Për emërtesa të tjera, kur janë të njëjta me institucionet e tjera qendrore, përdoret lidhja II/1 e vendimit.

Lidhja II/4

NË ADMINISTRATËN E INSTITUCIONEVE TË EKZEKUTIMIT TË VENDIMEVE
PENALE

Nr.	Emërtimi	Klasa e pagës
1.	Shofer autoambulance, autoburgu	IX
2.	Kujdestar	VIII
3.	Ndihmësfarmacist & magazinier	VI

Shënim. Për emërtesa të tjera, kur janë të njëjta me institucionet e tjera qendrore, përdoret lidhja II/1 e vendimit.

Lidhja nr.II/5

RENDITJA E POZICIONEVE TË VEÇANTA TË PUNËS PËR ÇDO KLASË PËR
PUNONJËSIT MBËSHTETËS NË DREJTORITË RAJONALE TË MIRËMBAJTJES
SË RRUGËVE DHE DREJTORINË E RIPARIMIT TË MAKINERIVE TË
FURNIZIMIT NË TIRANË

Nr.	Emërtimi/pozicioni	Klasa e pagës
	Teknik i mesëm. Normist	VII
	Punëtorë të mirëmbajtjes së rrugëve. Punëtor ofiçine	VI

Shënim. Për emërtesa të tjera, kur janë të njëjta me institucionet e tjera qendrore, përdoret lidhja II/1 e vendimit.